

فیه ابواب الحیا

چهار شهر عربی ابتداسیاه اون بشده نشر اولور (۵۱)

جلد ۵ - جزو ۵۱ [فی غرة محرم سنة ۱۳۰۴] نسخہ می ۳ غروش

ایلیخی کرته اولق اوزره سؤاله سکوت ایله مقابله ایلدم . ایمپراطور بجه ایسه دیدی که :

— آکلادم بیلیورسکیز ! فقط پدربله آشنالغکز وار ایسه اندیشه ایتیکز اوغلانک سیتاتدن پدربنه هیچ برصدمه اصابت ایتمز .

بو یله برطور عالیجنابانه قارشی هر درلو دیپلوماتانی برطرف ایدرک اظهار صداقت و خالصتن اعلا مقابله اولیه جفنه کسب یقین ایله دیدم که :

— یارین (برنظر) ی تقدیم ایدرم افندمز !

ماقس قالمق

هرملکتک کنديسنه لایق یهودیسی واردر

[بمعارق]

کچنلرده براقشام اوزری سرکه جی استاسیوننک باغچه سنده احبادن بر ذات ایله قطارک دقیقه حرکتی بکلی ووردق . هوا غایت مغموم و اماره باران رونون ایدی . بولند ایتمز موسم ، واقعا موسم حریف ایسه ده اقایمزلک تشرینلره مخصوص اولان لطافتی اکثر سنلرده رشک انداز بهاران اوله جق برطراوتده کذاران ایلدیکندن دائما کشایشه مائل اولان مزاجره قسوت افزا اولان بو هوالر نقلت بخش اولیوردی . رفیقم اولان ذات دیدی که : « هوالرده مارت آینی آندیره نور ، هله بوگون قاچ نوبت تبدل ایتدی . » یلیم فصل برفکره اتباع ایله بلا اختیار جواباً « هرملکتک هواسی خلقنه لایقدر . هوالر کشاده گیتش اولورسه نه استفاده مز اوله جق ؟ » دیویرمشم . بوجوابم اوزربنه رفیقم اولان ذات گوله رک دیدی که بوسوزکر موسیو اسمارقک برقولنی خاطر مه کتیردی : مشار الیه بر بحث آره سنده « هرملکتک کنديسنه لایق یهودیسی واردر . » دیمشدر .

بسمارقك بوقولنی بادی امرده عادی برسوزگی تاقی ایلدم ایسه ده
 براز تاملدن صکره بك زیاده موافق حقیقت اولدیغنی تصدیق ایلدم . ملت
 اسرائیلیه نك حال و شانسه دقت ایذیلیرسه کوریلورکه بوملت ساکن اولدیغنی مملکت
 خاقنك اطوار و اخلاقه تطبیق افعالیدن بشقه هچ برشی دوشغز . چونکه
 قوم یهودك وطنی یوقدر . تعبیر آخرله کره ارضك هر هانگی معموره سی
 اولورسه اولسون عماما قوم یهود کدر . مقصد من نه بوملتك اعتقادینه تعریض
 ونه ده مدیتده کی کاللریله برابر آلمانیا و فرانسه ده (آنتی سمیتیک) عنوانیه ظهور
 ایدن مخالفین بنی اسرائیلی تقلیددر . بلکه یهودیلرک ذهاب عوامنی تصویردر .
 اکثر ممالکده دسیسه گی ، غیری اضرار و اغفال گی حالات سیئه
 یهودیلرک اخلاق متعارفه لرندن اولدیغنی محتاج ایضاح دکلدر . بونک حکمتی
 عجبا دوشونلمشیدر ؟ برقاچ بیك سنه دن بری مملکتلرنده سلطنت سورنلر
 آخر ملتلردن اولدیغنی جهته دائما اجانبه محکوم اوله کلان (قوفط) لرده . یعنی
 الیوم (فلاح) اطلاق ایلدیگمز اهالی قدیمه مصریه ده مزیات انسانیه دن
 هچ برخلق کریم موجود اولماقسی دخی هپ ملت حاکمینی خشنود ایتک
 ایچون التزام ایتدکلری ریا ، تبصیص ، مداهنه و یا مزاجگیرانه اطوار
 مسکینانه نك نتایجی دکلیدر ؟ دائما حاکمك ضرب دست قهارانه سنه
 نزار و نزار اولان برخلقده عظمت نفس ، محافظه و قار ، حب مغالی گی فضائل
 احرارانه نك بر بقا اولمسی قابل اولورمی ؟
 نینوالیلردن رومالیلره و رومالیلردن زعمانمزه قدا برملت غالبه دن دیگر
 ملت غالبیه محکوم اولان ، یعنی اوچ بیك سنه قریب بر زماندن بری سلطنتلرینی
 غائب ایدن یهودیلر دخی عینیه مصریلر گی در . یینلرنده بفرق واریسه اوده
 مصریلرک عازم سارتی ترک دیاره ترجیح ایله کندیلرینه حاکم اولان ملتیلرک
 جور و آزارینه عرض کردن اطاعت و انارک خدمت حقایقه لریله تعیشه
 قناعت ایتهلری و اسرائیلیلرک ایسه معموره عالمک هر طرفه طاعنه لریدر .
 کله لم برنس بسمارقك « هر ممکتك کندیسنه لایق یهودیسی واردر » قولنه :

بوقوقولك بادى امرده حكمر گورينور اقوالدن اولديغنى بالاده ييسان
ايمش ايدك . فقط بوسوز دخی پرنس بشارقك ا كثر حالانده اولديغى كې
تدقيق مزاج اقوام خصوصينده كى تبعات دور ادورنى اثبات ايدن
حقيقتلردنر .

شعدي شوقولى تطبيق ايچون اول امرده فضائل مدينه نك ا كثر جهاتنى
بحق حائر اولان انگلتره ي پيش نظره آلام : - معلوم اولديغى اوزره دنياه
اداره نك ا لمشكل جهتي معاملات خارجيه قىمى در . بر ديپلومات بر سر عسكر
كې فن حربك اثر حقيقتده و ياره يئت وكلا كې معارف سياسيه نك مسلك
نجاتده يوريمكه دكل كشف ضمير وكشف استقبال وكتم فكر وكتم حال
ايله نفوذ ومفعجه دائما بر رينه رقابتدن خالى اوليان دولتلارك هر تاملندن
استفاده اتمك وكندى دولتك بولنه ييله جكي مشكلاندىن هچ كيمه يى استفاده
ايدير مامك كې بر طاق خوارق عادات اظهاريله مكلفدر . يعنى دولت دنيا لان
هيولاي سياستك تجسمى قابل اولسه معاملات خارجيه تعيين ايتديكى
ما مورلنده لشخص ايدر .

ايشته انگلتره خالقنك مديتده احراز ايتديكى كلاك دلائلندركه
امور سياسيه كې ا ك مهم برخدمتى ييله اكر اقتضا ايدرسه ا كثر ممالكده
محقر گوريلان مات موسويه افرادندن برينك عهدۀ اقتدارينه حواله
ايدۀ يلكده در . يگرى سندن برى هر درلو تشبثانده موفق چيقان
ودرايت وكفايجه زماننك ا ك بنام رجال سيه سته اثبات تقوى ايدن پرنس
بشارق بيله بيقونسفيلك برين قونغره سنده ابراز ايتديكى مائز درايت
ومتانسه حيران اولمشدر . احتمالكه موضوع بحث اولان بالاده كى قول ،
مشار اليه لك لسانندن بيقونسفيلك فضائل فوق العاده سنى ادراك ايله اظهار
حيرت اتمى اوزرينه صادر اولمشدر . بيقونسفيلد ايسه موسيو ديز رايلينك
صلبندن گلمش براوغلى يعنى يهودى ايدى . معلومدركه تبديل دين تذهيب

اخلاق ایدرسهده تحویل ملیت ایدهمز . چونکه « دین و ملت بدر »
اصل الاصولی یالکڑ اسلامه مخصوص فضائل سیاسیه دندر .

انگاترہ نك اكثر رجال حكومتی بیقونسفیلدك حائر اولدینی مزیاتی
جامع اولدینی کبی انگاترہده بولنان یہودیبارك عمومیده بیقونسفیلد دگلدر .
فقط انگاترہ تابعیتنده نه قدر یہودی واریسه جله سی وطن مشترک مسائل
حیات وماتنده حصه دار در . انگاترہ منافی ایچنده آریجه بر یہودی منافی
تصور ایدیلهمز . خزائن دولت سامانیله رقابت ایدهمز جك بر ثروت عظمی
صاحبی اولان روسجیلد عائله سی ثروتیلہ دکل انگلیز بولمقله مفتخر در .

انگاترہدن صکره فضائل مدنیه جه اور یا اقوامی ایچنده نمونه امثال
اوله بیله جك بر قوم وار ایسه اوده فرانسزلردر . چونکه دنیانك هرجهتنده
استقلال اقوامه خدمت ابرازینی شعار ایدینان بوقوم آرہ سنده - پاپاسلرك
مرض اغراضدن متولد بعض سیئات تعصب استننا ایدیلنجه - مسلمانق
خرستیانق ، موسویلك کبی ناملرله تقریق ملیت فکرلری یوقدر . فرانسه
پسا بورطنی حائر اولان هر شخص هرهانگی مذهب سالکی اولورسه اولسون
فرانسه لی عد اولنور . وطنك سعادتمندهده فلاکتتمندهده مشترکدر .

استطراذ

بوندن اون بش سنه اوله گیلنجه یہ قدر غلطه سرایی قارشوسنده فرانسزجه
کتاب صاتیلیر بردکان وار ایدی که صاحبی (موسیو رومپ) اسمنده برفرانسز
ایدی . براز وقت آشناقدن صکره موسیو رومپك موسوی اولدینی اوگرتمش
ایدم . اوصردهده ایسه فرانقو - آلمان محاربه سی اعلاان اولغش ومعلومز
اولدینی اوزره اکثر هنکامه لرده فرانسزلر مغلوب اوله گلمکده بولغش ایدی .
ینه اوگونلرده ایدی که اصحارلمش اولدیغم برکتابی المق ایچون رومپك دکانه کتمش
ایدم . دکانه گیردکمده کندیسینی یازی خانه سنك اوگنه طیاغش ایچن ایچن
بکا حالنده بولدم .